

香奩詩序

嘗讀詩至閼雒以下竊感古之  
后妃能於琥珀環珮之間矢音  
特達以友柔泚之風化行江漢  
傳之至今為騷人正始秦以後  
婦人能詩者漢有班姬曹大家

香奩詩序

唐有惠妃千百年間寥々數人  
音徽如綫彤管所載若空谷足  
音耳近從嘉禾周逸之得其婦  
桑氏月窓著香奩詩卓如千卷  
余手誦之其咏育蚕云一筐芳  
草路兩袖落花香不以黃昏月

孤眠白玉郎暮春感懷云夜闌  
風雨惡花落砌堦紅啼鳥枝頭  
怨遊蜂葉底空催妝云花鈿凝  
曉色綺袖拂春嬌髻惹羅敷如  
眉如張敞插暖燕云忽成莊子  
夢不向漢宮飛寄夫云日暮登

樓何處歌陌頭楊柳望中多思  
君書劍天涯客三月春光有幾  
何雲履云步郊芳草卓巖紫足彩  
雲橫翠雲卓云渾疑鸚鵡遺雙  
翅恍似蒼苔石上斑宮語東君  
惜顏色莫移屐齒步庭間春雨

云東園蜂蝶忙來去猶憶春歸  
九十期其極句比字音爽調清  
大較上為唐人下較宋元而矢  
志屬詞不詭閨貞之範蓋簪珥  
間所絕少者豈雅慕團扇東征  
諸作而興者乎古稱國風好色

香奩詩草卷三  
而不淫若香奩者庶幾於是又  
可傳矣逸之繡水人深隱苦吟  
為東南博雅之別手是編因見  
其刑于之化也

萬曆乙未秋九月二十六日吳  
興八十四翁鹿門茅坤撰



香奩詩草目錄

清閨四詠

鸚鵡

送女適夏催粧

警女

春宵

暮春感懷

春繡

春雨

暮春睡起

清晝

春霽

育蚕

睡燕

梨

題山水障

花影

春日即事

課織

黃蝶

落花

晴和即事

初夏

楊梅

夜合花

寶炬

茹菜

賀育甥女

幽窓即事

寄情

新秋

七夕

桂

芙蓉

秋夜夢姑

秋夕整衣

秋日病起

夜坐

贈尼

表妹許訪不值

秋詞

粉團

燈花

禮佛

同母過尼菴有贈

詠尼繡鴛鴦

述懷

覓句

秋夜

寄子鞋襪

雲履

聞笛

翠雲草

香奩詩草 目錄  
清夜煮茶

戲嘲隣女

搗衣

寒窓課子

懷姪婦李夫人

寒窓夜織

寄李夫人

題山水帳

碧桃

風箏

暮春

掃葉烹茶

目錄終

香奩詩草

嘉禾月窓桑貞白著

吳興鹿門茅坤批選

清閨四詠

東風習習拂窓楣百舌新聲轉柳枝爛熳碧桃  
臨檻媚輕狂粉蝶繞欄奇鞦韆影落花陰重燕  
子巢成繡幙垂弄罷玉梭雞唱午小鬟汲水煮  
茶時

其二

芭蕉庭畔舞青鸞夜合飄香雜蕙蘭  
浥露葵花傾珀笋倚風荷葉展冰盤  
瑣窓晝未慵拈繡珠箔風微咲倚欄  
日上綠槐清蔭合南薰拂拂動琅玕

其三

颯颯秋風鳴鐵騎  
淒清爽氣入羅幃  
蟬聲斷續枝頭咽  
螢燄高低檻畔飛  
梅笛無腔何處弄  
冰輪有影隔窓微  
鳳仙細搗金盤翠  
玉指纖纖却染緋

其四

欄外山茶尚未開  
紛々朔雪點蒼苔  
画眉不覺山橫黛  
臨鏡何妨玉作臺  
獸炭香銷衾乍冷  
銀缸膏竭燼初灰  
女童莫問成羅綺  
怯冷令人廢剪裁

鸚鵡

珠鳥仍堪羨  
猶憐長異方  
丹榴朱嘴妬翠羽  
綠荷妨戢翮  
聊栖止窺霄欲奮翔  
能言遭蹇滯晨夕繫雕梁



送女適夏催粧

卞玉堆雲髻隋珠飾翠翹花鈿凝曉色綺袖拂  
春嬌髻惹羅敷妬眉需張敞描開奩傳韶粉靈  
鵲已成橋

警女

侯門少婦縱奢華不及村中農婦家曉起採桑  
經綠野夜供蚕葉月西斜

春宵

一鉤新月射房櫳拂<sub>匕</sub>春風入幕中啼鳥數聲

醒枕夢杜鵑花發半窓紅

暮春感懷

晝永日融<sub>匕</sub>愁深三月中夜闌風雨惡花落砌  
堦紅啼鳥枝頭怨遊蜂葉底空應知春夢斷針  
線捻無功

春繡

一番風雨動春寒庭畔梨花已半殘燕語隔簾  
人寐<sub>匕</sub>金盆滌手繡青鸞

春雨

冉七雲低雨作絲枝頭桃杏半離披東園蜂蝶  
忙來去似惜春歸九十期

莫春睡起

日上古槐垂碧蔭夢回欹枕睡初醒金鈎半控  
簷前色無數殘紅積蘚庭

清晝

新竹柔枝拂短牆隔林時遙野薇香桃花落盡  
鶯聲澁睡起無聊拭綺裳

春霽

澹蕩東風颺柳絲黃鸝巧舌弄芳枝梨花似雪  
窓前瑩桃萼如脂檻外披破却閑愁調幼女織  
成錦繡紀新詩休教虛度融和日九十春光有  
盡期

育蚕

四月桑郊綠家貧蚕事忙一筐芳草路兩袖落  
花香不卧黃昏月孤眠白玉郎絲成天地力依  
舊入紅粧

睡燕

晴日啣泥倦翰慵息竹扉忽成莊子夢不向漢  
宮飛柳畔鶯啼醒花間蝶共歸弗嫌梁上寐歸  
壘舊簷依

梨

幾陣東風帶雨吹園林樹上吐冰姿新來舊燕  
啣泥急一望俄驚雪滿枝

黃蝶

閒逐狂蜂遊上苑碧桃花下舞遲遲風前忽作  
春心態雨後俄驚秋葉枝豈是穿花隨去住還

疑入夢有先知渾如黃菊東籬綻摘去蘇公仔  
細窺

花影

春風日日眠花底何處流鶯夢欲醒疊疊滿身  
留不住却隨斜照過西庭

春日即事

雨晴林暖草花香無奈遊蜂着意忙不是閨人  
情繾綣門前流水又斜陽

課織

淫雨條風併作狂，殘紅飛絮亂紛忙。  
瑣窓課女勤機杼，玉指拋梭日正長。

落花

林外花枝次第開，豈期風雨夜深來。  
忍看片片辭芳幹，無數嬌紅墮綠苔。

晴和即事

春來深院海棠嬌，池畔楊枝舞細腰。  
簷外簾垂飛燕舞，雙七粉蝶戀柔條。

初夏

小鬟隨媪採青桑，田舍由來四月忙。  
課子學鋤郊外雨，自應白日餉壺漿。

楊梅

誰人手摘洞庭酸，分入閨中白玉盤。  
堪笑貴妃情更癖，荔枝何似紫金丸。

夜合花

夕陽下西麓，清露浥莓苔。  
幽馥飄瑤席，奇葩倒玉杯。  
爭憐午夜合，猶羨曉庭開。  
勅繡揮紈扇，徘徊翫爾來。

寶炬

輝煌寶炬夜窓燒針線工夫破寂寥光映房櫳  
閑碧簾影搖簾幙坐清宵漫流紅淚回心熱亂  
落飛灰跋已焦分付雙成休用剪漏殘還待吐  
花嬌

茹菜

一番風雨過東畦新綠朝來遍野蔬和露摘來  
烹石鼎從教飽飫勝江魚

賀育甥女

一輪皓月入懷明謫降姮娥華屋生不是廣寒  
攀桂客應知賢淑侍華清

幽窓即事

綠柳拂簷低紅桃映牖西辛勤攻績紡幽鳥向  
人啼

寄情

日暮登樓何處歌陌頭楊柳望中多思君書劍  
天涯客三月春光有幾何

新秋

一番踈雨過暑退嫩涼生梧葉當窓落鴻群列  
漢橫冰輪臨箔朗螢火向人明蟬噪踈楊裏隨  
風遞遠聲

七夕

聲七靈鵲噪高枝七夕穿針巧亦奇莫用太真  
頻進酒牛郎此夜喜逢時

桂

聞道仙葩月裏栽何人分種小山開雖非攀折  
蟾宮客雲鬢斜簪一朵來

芙蓉

任他桃李競春光獨占秋江兩岸芳恍似宓妃  
臨洛浦清波一派漾濃粧

秋夜夢姑

碧梧風入羅幃爽雨過房櫳暑漸無不爲愁縈  
情思怯更闌幽夢晤仙姑

秋夕整衣

金風瑟瑟入鮫綃鴻鴈聲傳天際遙欲綴寒衣  
裁綺帛女童秉燭坐通宵

秋日病起

秋風吹病骨強起不勝羅愁思縈宵夢雲鬢盡  
日科神疲肢體怯几淨藥苗多試把金錢卜何  
時六脉和

夜坐

深閨夜坐漏遲七窗外花稍月上時閒砌秋蛩  
聲入幕却教人自亂愁思

贈尼

經翻貝葉隱空門不盡燈傳此道心定入香凝

風雨後鉢中常聽老龍吟

表妹許訪不值見寄

昨許雲輶此日踟躕知蓮步意如何爐中已煮  
龍團味倚遍欄干思更多

秋詞

寒蛩唧唧傍欄鳴砧杵誰家入夢清醒後不聞  
雞唱野梧桐殘月墮窓明

粉團

雪粉調和作玉團碧泉謾煮供冰盤何郎素喜

嘗湯餅滑膩香甘足可餐

燈花

夜窓鳴宿雨刺繡坐更闌忽吐燈花紫俄看火  
燄丹焚膏聊憩息捲幔可盤桓却咲飛蛾拙無  
端撲盡殘

禮佛

不羨張騫泛海槎莫云禮佛便辭家曉來一炷  
清香爇靜對如來展法華

同母過尼菴有贈

辭親削髮入空門持偈叅禪屏俗喧坐徹蒲團  
山月曉慧燈清磬伴黃昏

詠尼繡鴛鴦

蓮經誦罷下禪牀卸却緇衣入靜房堪笑未能  
忘俗念黃昏猶是繡鴛鴦

述懷

春去秋來歲幾過眼前兒女轉愁多兒頑不解  
耽章句幼女無心刺綺羅

覓句



香齋詩草  
更闌獨坐意偏嘉  
靜倚欄干望斗斜  
好句忽來情思洽  
梅花和月上窓紗

秋夜

高颺颯七動踈林  
剔起銀燈葺舊衾  
月上西窓人寐七  
隔隣猶度搗衣砧

寄子鞋襪

金剪裁綾巧樣更  
千針萬縷綴方成  
寄言芸館窮經子  
穩步雲霄萬里程

雲履

式倣王喬鳥形從  
芒屨更偏宜  
諧襪曳不稱採  
芝程步郊芳草礙  
發足綵雲橫  
春暖風和日穿  
林花底行

聞笛

停針倦倚碧欄干  
林外高風度晚寒  
何處一聲羌笛弄  
空庭涼月已初殘

翠雲草

渾疑鸚鵡遺雙翅  
恍似蒼苔點石斑  
寄語東君惜顏色  
莫移屐齒步庭間

清夜煮茶

一輪皓魄映窓紗  
檻外踈梅弄影斜  
碧甕汲泉分石鼎  
青松燎火煮芽茶  
忽驚霄漢鳴鴻鴈  
乍見銀缸吐夜花  
不學盧仝啜七碗  
相如渴思頃能賒

戲嘲隣女

羅袖掩嬌羞  
無言獨倚樓  
韶光駒過隙  
歲月電光流  
腸斷誰人惜  
淚痕祇自流  
夜深惆悵裏  
不盡翠眉愁

搗衣

秋風浙瀝動人悲  
補綴寒衣正此時  
砧搗清宵天欲曙  
寒鳥啼月亂風枝

寒窓課子

課程須曉晚  
篤志在窮經  
時希康映雪  
日傲胤囊螢  
華屋雙眉白  
寒燈十載青  
文章歸翰苑  
春信浪中聽

懷姪婦李夫人

一別三年遠  
玉姿未知何日  
是歸期  
開奩忽覩

當年繡此際令人幾度思

寒窓夜織

晝短天寒日易過吳綾機上織無多朔風窗外  
聲匕急呵指燈前擲玉梭

寄李夫人

迢匕雲路迥難親幾見音書未見人何日

神京頒紫誥從容話閣驛亭津

題山水障

縞匕鮫綃渾朔雪誰人幻出幾重山村前綠樹

千林暗洞口寒雲一片閒搖漾漁舟依野岸清  
幽茅屋傍溪灣夜來睡覺東窓曉恍入蓬萊仙  
島間

碧桃

綠葉襯素萼還勝飛燕粧傍墻芳更異臨水媚  
非常有杏三分白無梅一種香年年二三月相  
間柳枝黃

風箏

野外群兒戲風前縷繫鳶孤雲青岫出白鶴碧

香奩集  
三  
霄搏豈懼弓傷翅還疑管雜絃黃昏凝望處渾  
似月初懸

暮春

雨風春暮作花萼樹頭稀枝上鶯聲澁林中筍  
蕨肥農人負犁出江燕帶雛歸九十今將盡令  
人興已違

掃葉烹茶

疎林楓落樹生寒風撼悲聲到耳端掃葉徑邊  
分碧水竹爐吹火試龍團

香奩草終

鴛湖倡和序

古人凡遇形勝之地必相賦詩  
或命物以爭妍或占韻以逞捷  
揆時對景締歡賞於同心唱予  
和汝嗣徽音於合響若蕭介美  
專以席李端推為擅場皆一時

吳郡沈氏

沈氏

之選也况烟霞成癖魚鳥相忘  
如其為詩每出閑曠悉屏垢氣  
授簡擬梁園之勝飛蓋眈鄴駕  
之遊豈徒被襖蘭亭逍遙幸谷  
竹林酣宴罔覩幽詞峴首彫瞻  
惟聞咏歎者乎今覽編中握珠

抱璧光奪因輝摘藻研思營欺  
積素同聲之應弥高陽春之和  
弥寡江左風流盡在是矣夫俛  
仰易陳觴詠難再展誦斯編寧  
無為三公細萬物棄銘勳而忘  
秉燭者乎會凡二十二人詩凡

名流傳本  
一百九十首以次列名於右錄  
之梓者徵君周逸之為之序者  
鄙生張獻翼教云

鴛湖倡和引

夫士之塊然於圓槩不殉其道  
不德不負其適不渝豈必登金  
門匝日域懷黃結紫而後為選  
哉寄傲雲林馳情烟水一筇雙  
屐飄然而長征也者豈士之不

幸耶我知之矣寧為瓦全毋為  
璧毀一失足於利祿之場脂膏  
澆忍趨趨嚼嚙孰與吞吐煙霞  
佩服荷芰驤首掀眉熙又然倡  
和於湖光山色之勝哉鴛湖為  
樵李名區諸君子徜徉其內觴

咏自適陶又然樂也梅壑周君  
輒從而賡和之且遍此其志可  
知矣語云志肥遁者不可語以  
軒冕之榮周君其詩隱矣乎  
畢皋冬日犁丘邢侗子愿撰



鴛湖唱和詩序

包文衡

雲間故稱風雅海內推轂舊矣邇復擅兩都之  
業標四韻之奇登壇主盟者十倍疇昔顧不佞  
貧不能擔簦一水盈盈徒和鄉往一日何士抑  
與孫世巖沈孺休薄游吾里因過衡門問不佞  
包生第不佞病不能爲故人下榻而三先生亦  
以不佞病不堪對客遂放舟鴛渚盤礴烟雨樓  
中而吾里黃玄之郁季雅仲兄襲明輩數人追  
隨游賞幾日夜而後三先生解維去去之日復

相過慰勞為別且出一編見眎迺三先生與玄  
之季雅諸君游時時所唱和者披而讀之琅琅  
然碎金群玉各顯其奇令不佞心折意銷而病  
魔且辟三舍矣然樓之中學士留題大夫作賦  
非不墨彩淋漓而後先題咏者半出雲間何地  
多才何人多技乃爾耶今諸君子去矣藉令風  
雨飄飄珠璣剥落則地主故人何辭以謝于諸  
君子也遂舉其所見哀而刻之以彰諸君子一  
時翩翩之致而且以見不佞鄉往之志云

刻駕湖唱和姓氏

朱孟元甫名朝貞

陸君策甫名萬言

張虞侯甫名重華 太學

何士抑甫名三畏 孝廉

馮咸父甫名大受 孝廉

董玄宰甫名其昌 翰林

沈孺休甫名紹文

陳仲醇甫名繼儒 高士

孫世聲甫名孟芳 山人

俱雲間人

高永仁甫名繼元 孝廉

包襲明甫名世杰 孝廉

黃玄之甫名承玄 工部

郁正叔甫名大年 文學

郁季雅甫名彬如

范君和甫名應宮 文學

范長康甫名國泰 文學

徐淵卿甫名弘澤 山人

陳德光甫名燿 山人

周逸之甫名履靖 山人

釋智舫葦如甫 俱樵李人

斯學悅支甫 鹽官人

鄭翰卿甫名 瑗 閩人

刻鴛湖唱和目錄

四言二十五韻一首

聯句五言律四首

聯句七言律二首

五言律三十四首

七言律十八首

五言古十八首

七言絕七十五首

七言歌行四首

四言詩八首

附咏烟雨樓舊作五言律五首

七言律十八首

七言絕一首

古詩二首

已上共詩一百九十首

鴛湖唱和稿

嘉禾梅墟山人周履靖逸之著

鴛湖唱和四言二十五韻

甲午冬初三泖之遊囊書挾卷載鶴蘭舟飛篷  
搖颺遍歷滄洲白蘋紅蓼錦鴛素鷗青萍觸楫  
綠藻輕浮夾岼芙蓉群鴈橫秋潮聲洶洶波浪  
悠悠愁雲靄漢楓杪鳴鳩前途將逼睨遠凝眸  
頻經村樹忽爾溪頭艤舟柳岼新月半鉤華亭  
訪鶴邂逅朋儔歡迎蓬戶開樽少留問奇評句

情歡意投秉燭良夜咲談傾甌新詩聒耳宿酒  
快喉曩管羣英結社丹丘駕湖興汎鰲磯逗遛  
聯詩詠句寄題江樓倡和成集玉筍潛收多君  
出示哦吟却愁寄言我輩欲以賡酬陋句俚詞  
聊塞所求豈堪大觀少伸情幽語識卷端得聞  
其由

和何士抑郁季雅沈孺休孫世聲駕湖秋夜

泛月聯句二首

湖光搖玉鏡籟寂壯懷清波色涵帆影漁歌雜

櫓聲興狂何惜醉思逸不論程此夕猶嫌短相  
看意氣平

聯句原韻

載酒出茸城

士抑

依微夜氣清

世聲

帆檣侵月

色

孺休

鼓吹引潮聲

士抑

慷慨遊人興

季雅

淹

留去客程

孺休

不妨披露坐

世聲

聊爾話生平

季雅

其二

舟放駕湖曲松頭月又西騷人乘氣爽沙鷺畏

烟迷漁艇浮秋浦  
歌聲徹柳堤  
我儕追晉魏  
似阮欲同稽

聯句原韻

片帆乘月下季雅尊酒泛郊西孺休水濶天疑

盡世聲烟橫樹欲迷士抑嬌歌翻子夜孺休選

句踏長堤世聲吾黨風流在士抑誰言讓阮稽

舟次駕湖望煙雨樓聯句和韻

夾岼芙蓉媚早秋  
碧波畫舫興筵篴  
千杯魯酒邀星月  
幾曲吳歌徹斗牛  
酪酊寧多一種樂  
猖狂已釋萬般愁  
戍鼓急催人欲返  
明朝續勝復登樓

聯句原韻

極目澄波幾度秋孺休踏歌欵乃雜篴簫士抑

浮槎直欲捫天月季雅按劍還教犯斗牛世聲

聲撼魚龍潛不起孺休句成神鬼泣將愁士抑

今宵共擬瀟湘賦季雅明日應題烟雨樓世聲

和夜泛卽事聯句

挈壺携盒枉買棹  
泛江瀆擊檝波光動  
移舟藻

荇分歌聲混漁唱鴈影雜秋雲忽聽帆邊鶴聲  
清客耐聞

聯句原韻

相將携杖屨世聲雙艇繫江濱孺休對酒星初

落士抑推篷漏已分季雅詩成翻促雨孺休歌

沸忽停雲世聲縹緲長空邃季雅何來此夜聞

士抑

和題烟雨樓聯句

桂檝蘭橈蕩碧濤興狂那管月西沉一輪玉鑑

浮波面數點漁燈映竹林落魄不知天地廣留  
連未覺酒杯深良宵莫惜尊前醉惟願同君幾  
度臨

聯句原韻

樓船簫鼓出江濤世聲直放中流漏欲沉季雅

萬點漁燈來兩岸孺休一輪烟月鎖千林士抑

酒酣落句神逾王季雅坐久披襟意更深世聲

長嘯不知天地濶士抑幾人乘興幾登臨孺休

夜泊觀水燈卽事



舟艤蓬窓闔情閑夢洛神千燈浮慧火一棹度  
迷津鯉鯽驚萍底漁舟動釣綸亡魂從此夕若  
箇返紅塵

聯句原韻

夜半聞歌起

季雅

家家各賽神

孺休

慧燈橫野

渡世殼

仙梵落江津

士抑

鳥宿猶窺食

孺休

魚

驚欲避綸

世聲

更憐烟月好

季雅

風細灑香塵

上抑

十五夜郁季雅兄弟招飲烟雨樓何士抑孫

世聲沈孺休高永仁范君和范長庠同賦

和韻

湖心傑閣峙縹緲礙蒼天歸鳥投江樹遊人上  
酒船紅醅吸千盞白雪和三篇忽吐東山月寒  
光雜暮烟

孫世聲原韻

支杖臨高閣推窓捫碧天鳥聽吳客語人上越  
姬船望盡紅菱渡歌翻白苧篇我來同舊侶十  
里弄秋烟

和何士抑韻

湖頭乘興到剛值早秋天磯畔繁蘋蓼樓前艤  
畫船疑是青藜閣應題白雪篇醉餘閑翫處一  
望雨和烟

何士抑原韻

日落樹影側依稀見遠天忽携王子伴同上米  
家船君有凌雲賦我歌明月篇採菱新度曲花  
覆隔溪烟

和沈孺休韻

聞道湖南勝危樓欲近天凭欄看鷗鷺乘醉喚  
漁船興劇頻傾竿情高疾和篇殘陽墜柳外回  
首望雲烟

沈孺休原韻

命酒勞相問襟期慰各天却乘公子興况挾孝  
廉船目極鮫人室心懸秋水篇因知五湖上別  
有一風烟

和高永仁

繫棹登高閣歌聲徹晚天江帆懸客艦燈火遍

江船醉去呼新酒狂來咏古篇  
踈籬殘照下處處起炊烟

高永仁原韻

明月在高樹涼風來暮天  
頻呼陶令酒爭羨季膺  
船坐蒲青霞客囊空白雪  
篇凭欄同眺望一咲散寒烟

和郁正叔韻

湖心波浪迥一望水連天  
不盡遊人舫無窮釣叟  
船磯邊醉折桺席上興吟  
篇幾陣栖蘆鴈飛

飛破晚烟

郁正叔原韻

覽勝松陰閣飛颿落半天  
遠沙明水月歸鳥近湖  
船醉入蘭陵調歌沉子夜  
篇最憐秋色媚垂柳挂長烟

和郁季雅韻

樓邊紅蓼岼湖上水如天  
投樹一行鳥採蓮幾處  
船漁舫來短笛騷客和長  
篇兩脚興峯外前川暗暮烟

郁季雅原韻

登樓望不極，灑酒問秋天。  
藕葉風翻浪，菱花月載船。  
坐來依玉樹，醉後和瓊篇。  
忽漫蒼茫裏，榴裙度紫煙。

和范君和韻

歌闌凭畫檻，醉看水中天。  
磯上啣杯客，汀邊下釣船。  
渙歌款乃調，吾味粹清篇。  
望極天涯遍，疎林靄淡煙。

范君和原韻

啣杯石檻外，秋度白雲天。  
纖月隨歌妓，輕風入酒船。  
登臨倚古樹，咲傲足新篇。  
十里芙蓉渚，飛鷗破暝煙。

和范長康韻

巨閣湖心迥，巍巍倚碧天。  
閒雲停畫檻，虛牖逼秋船。  
日月懸朱棟，廊墻遍繡篇。  
陰陰數株柳，樹樹靄蒼煙。

范長康原韻

一棹滄浪晚，輕波媚遠天。  
人疑雲外路，月似鏡

中船酒俠傾千斗詩狂愧百篇彩霞飛不斷翻  
落樹頭烟

和陸君策韻

花柳圍虛閣雲霞布旻天鷺棲沙上跡客泛浪  
中船猖狂揮玉笋酩酊寫瑤篇暢矣一歸去荷  
衣拂翠烟

陸君策原韻

勝游臨傑閣清吹入高天處處垂楊岸年年繫  
酒船波恬青海若閣下爲鹽官道秋送白雲篇明月還

如舊那堪迥燧烟

時聞此警

和徐潤卿韻

昨登湖上閣正值小春天薄霧籠江樹孤雲暗  
釣船寒魚潛古岼嘉客和新篇眺望滄溟外茫  
茫雨帶烟

徐潤卿原韻

窈窕登虛閣微茫水共天參差漁父網來往買  
人船望極鴛鴦渚吟窮鸚鵡篇不妨銀燭短纖  
月露寒烟

和陳德光韻二首

遠岫白雲還明瞻掛碧天桂橈分藻荇燈火滿  
江船野席邀佳客湖吟賡雅篇興狂天曙散歸  
路破朝烟

陳德光原韻

湖上景堪憐秋風八月天彩霞浮海宇白鳥傍  
湖船行樂追前勝登臨續後篇置身如畫裏回  
首隔人烟

和陳德光韻

樽開烟渚月客聚蓼花天玉露飄帆席金風送  
酒船共酣今夕醞同和昔人篇鷄唱催筵散飛  
霞雜晚烟

陳德光原韻

放舟湖上集一望鏡中天碧水涵珠塔輕帆送  
客船酒傾張旭盞詩發杜陵篇疑是蓬萊景仙  
臺迥紫烟

和悅支韻

散誕乘閒日輕清秋杪天江中不渡葦湖上試

登船落落飛長錫悠悠和短篇晚來持呪食野  
鴿逸輕烟

悅支原韻

長湖迴秀閣孤嶼帶遙天客醉沙頭席僧歸渡  
口船誰翻黃鵠調空賦碧雲篇秋色微茫外菰  
蘆起夕烟

和何士抑十六夜同包襲明黃玄之沈孺休

孫世聲飲湖中有賦

蟬聲月色報新秋乘興登舟此夕遊鷗鳥夜深

沙上宿酒人更盡岸邊留樓頭戍鼓湖頭聽筵  
上杯盤水上浮爲謝東君情更洽高歌劇飲意  
綢繆

何士抑原韻

鴛湖氣爽競高秋况復仙舟李艸遊同籍十年  
多繾綣携尊一夕重淹留風清塵尾朱絃度柳  
暗樓頭翠蓋浮博得雙雙珠在握可無明月報  
綢繆

和孫世聲招包孝廉黃工部飲鴛湖有賦

湖中且醉千杯酒，福由來不用占。座上清歌聲細細，天邊明月影纖纖。短章却是輸高逸，奇句還當讓孝廉。落魄林泉身放浪，咲渠終日悶厭厭。

孫世聲原韻

白雲何處來秋色，百里星文聚可占。水濶芙蓉渙照冷，天高鴻雁月痕纖。樽前覓句推工部，閣外停舟傍孝廉。勝會不輸河朔飲，已拚沉醉夜厭厭。

和沈紹文韻

平生縱酒性難禁，日日湖頭有客尋。興至吸乾三甕醕，醉來寫遍百篇吟。人生自是莊周夢，詩句還存杜甫心。咲殺寰區名利客，惜無幾箇是知音。

沈紹文原韻

一壘烟波思不禁，何期二妙忽招尋。榜人載月渾忘倦，鷗鳥聞歌亦解吟。已識開尊留客興，無勞投轄繫歸心。秋來幾夜能如此，漫有留題待



賞音

和包襲明秋夜同黃玄之招何士抑沈孺休

孫世聲飲湖上

玉鏡澄光映碧莎及時翫賞莫蹉跎鴛鴦對對  
翻萍藻鷗鷺雙雙繞芰荷蟻酒浮尊君興濶蘭  
舟艤處笛聲多長安歌舞豪華者借問今宵興  
幾何

包襲明原韻

且欲留君醉綠莎只今誰復嘆蹉跎放船花外

尋洲渚携手沙邊看芰荷明月似隨歌扇蒲涼  
風偏向舞衣多五湖不憖烟波濶欲去菰蘆柰  
若何

和秋夜登烟雨樓

湛湛澄波一鑑開畫船騷客鬧呼杯三甌綠茗  
通吟思幾曲清歌遠俗埃縱酒狂中稱雅度題  
詩醉裏羨雄才祗緣白社耽觴咏多負佳期恨  
不陪

何士抑原韻

清秋一碧鏡光開月滿南樓酒蒲杯極目寒烟  
凝暮靄彌天晴雨散輕埃凌虛倒景湖中勝作  
賦登高我輩才此興庾公如不淺還同叅佐一  
追陪

和泊舟檣李題烟雨樓

碧水漪漪西復東遙天浩浩掛晴虹崔嵬高閣  
湖心裏蕩漾輕橈蓮渚中江艇蓬窓飄玉露荷  
花香氣逐金風請君壁上看題詠濟濟英豪各  
逞雄

何士抑原韻

縹緲湖光極浦東平臨烟艖起長虹千家燈火  
層雲外一望樓臺過雨中晴日遠浮雙塔影高  
天斜挂半帆風最憐此水清如許疑是瀟湘景  
色雄

和何士抑夜宿烟雨樓再賦

客移孤榻綠窓前舟寄芙蓉碧水川列漢飛霞  
晴映水投林宿鳥晚歸烟漁人冒露汀邊釣夜  
月當空樹杪懸茅店鷄聲三唱曉披霜一泛沙

行船

何士抑原韻

耿耿波流落照前  
朱欄翠壁浸澄川  
泉聲欲湧湘江月  
堤柳長含夢澤烟  
北郭芙蓉天境渺  
前村薜荔畫圖懸  
夜深不厭重遊賞  
醉逐鴛鴦上酒船

和朱孟元詠烟雨樓得夫字

任我登舟挈酒壺  
放歌狂醉綠蘼蕪  
吟來詩句如秋水  
望去江山似畫圖  
樓閣雲封全隱映  
蓼

蘋烟靄半模糊  
徜徉且盡今宵興  
放浪乾坤一野夫

朱孟元原韻

幾度登樓問酒壺  
棹歌弦管綠蘼蕪  
簾花檻月供吟句  
濺雨飛烟入畫圖  
千頃湖波空浩渺  
數行雲樹遠模糊  
風流翰藻新題品  
渤海先生漢

大夫

樓爲蘼郡  
侯一新多

和黃玄之士抑孺休世聲  
過訪留飲湖中漫

賦一律

湖中纜放棹樹杪掛斜曛酒氣蒸莎草歌聲逐  
鷺羣舟維磯畔柳目翫水中雲欲盡今宵興歸  
心思更紜

黃玄之原韻

繾綣憑尊酒輕舸泛夕曛爲欣兄弟雅因識阮  
稽羣秋色回青閣湖光浸白雲更憐同調在歌  
管正紛紜

和何士抑同范君和叔姪偕郁季雅兄弟携  
盒舟中邀同包襲明黃玄之諸丈重過烟

雨樓劇飲又賦得五言古八首

月掛柳稍頭澄波涵素影天杪忽飛霞水底無  
窮景

何士抑原韻

倚樹駐飛烟開軒垂倒影借問十二樓何如此  
中景

和韻

天畔鴈聲哀杯中月色碧情幽句更豪良宵醉  
酒癖

原韻

秋鋪十里紅月汎雙潭碧况茲風雅流盡有烟霞癖

和韻

吳歌發清聲蟻酒泛碧色醉去忽成詩粉壁皆塗墨

原韻

百斗澆枯腸揮毫散五色水面忽淋漓疑是魚吞墨

和韻

猖狂吸百盃醉來臥莎草展身不辨歸更喜明月好

原韻

灘上釣鰲磯磯空籍芳草何必鱸魚肥但令秋思好

和韻

醉去眼模糊不辨湖中嶼殘杯猶未乾慙慙一勸汝

原韻

朱樓宿暮雲  
畫艇依孤嶼  
夜夜任婆娑  
人人忘爾汝

和韻

醞醑且痛飲  
干將不必佩  
爲問世上人  
詩酒輸我輩

原韻

詩分唱和酬  
劍合雌雄佩  
劍俠與詩豪  
千古須吾輩

和韻

啣盃思便狂  
欲使生雨翻  
願學張志和  
成真泛一席

原韻

不聞漁父歌  
鳥息搏風翻  
遊人亘如虹  
河水平于席

和韻

酒多喉不清  
唱歌聲澀欲  
盡一宵歡  
那管漏催急

原韻

蛩寒呖語深露咽篴篥澀欲別又踟躕還嫌漏  
催急

和沈孺休六絕

不用詩盟用酒盟詩狂那肯羨公卿興來典却  
衣沽酒留取狂夫萬古情

原韻

清秋列席結詩盟坐上才華盡馬卿賦就不辭  
金谷飲歌成翻起玉關情

和韻

波光月色爲吾留綠酒尊前吸未休莫羨玉京  
蓬島客還輸我輩謫仙流

原韻

中宵月色爲誰留散髮狂歌醉未休亦有遊人  
來欲避爭言無奈晉風流

和韻

興狂那管夜歸程簫鼓喧空亂曲聲最喜當年  
謝安石東山對奕又談兵

原韻

兩岸芙蓉繫客程  
千林楊柳入歌聲  
登樓不許悲王粲  
對酒惟應覺步兵

和韻

鴛渚奇觀勝若耶  
笙歌夜夜雜琵琶  
醉來不覺遺塵世  
鶴髮斜簪白萼花

原韻

十里輕舟似若耶  
可憐明月鬪琵琶  
紅粧掩映嬌翻浪  
妬殺溪邊菡萏花

和韻

獨上層樓望九臯  
今宵酪酊思偏豪  
呼童調却隃糜汁  
數仞宮牆遍繕毫

原韻

翩翩題詠倚亭臯  
醉墨淋漓興轉豪  
十丈桑皮書不了  
猶餘東壁待揮毫

和韻

人生幾合幾分離  
共爾傾醪不可遲  
百年盡醉渾三萬  
况雜閑愁滯賞期



原韻

探得雙珠遍陸離坐來夜夜漏偏遲試看合浦  
千秋色不數平原十日期

和孫世聲

丹楓蒼栢遍郊原綠水芙蓉色映門此夕興狂  
傾百斗風流那許屬王孫

孫世聲原韻

菰蒲十里帶高原露冷千家月挂門好記層臺  
秋樹下布衣曾此拉王孫

和韻

菡萏高擎靄暮烟笙歌聒耳沸樓船夜來聲甕  
渾無醉恰似人間一酒仙

原韻

疊鼓輕謳散紫烟孝廉秋色滿樓船彩毫欲犯  
長庚宿共說湖中有謫仙

和韻

人生已悟是浮萍買興尋芳日醉亭咲却風塵  
名利客日耽名利不能醒

原韻

百年良晤揔飄萍可柰茲宵水上亭處處清風  
歌子夜忍教一座酒人醒

和韻

英豪日日混風塵輸我朝朝醉水濱休道東吳  
人盡俗水雲鄉裏有閒身

原韻

碧天杳靄淨風塵酒後行吟極水濱聽罷梵音  
旋了悟白蓮重現宰官身

和韻

性耽山水汎湖看玉露侵衣詩骨寒欲和少陵  
秋興句却憐情怯和追難

原韻

木外樓臺百尺看波回銀漢斗光寒却疑環珮  
空中舉誰道天闈謁帝難

和韻

荷花灼灼遞奇香玉白蕪紅更間黃寂愛沙頭  
雙鷺立綢繆花底兩鴛鴦

原韻

風生水面荇花香  
烟鎖垂楊落日黃  
咲擲銀瓶頻索酒  
驚翻一隊野鴛鴦

和韻

湖邊放浪意婆娑  
娑落落高懷與世踈  
興逸啣盃成酒癖  
君家莫咲我踟蹰

原韻

青楓紅袖兩婆娑  
別去應教夢不踈  
只恐明年今夜月  
天南天北共踟蹰

和韻

明蟾能得幾回圓  
辜負良宵祗自憐  
若使無風亦無雨  
我儕日日醉湖船

原韻

咲語當筵月正圓  
哀絃促柱更堪憐  
看來已是麻姑使  
誰遣秋風送客船

和韻

初升海窟玉蟾融  
影落鴛湖碧水中  
放艇波心一吟眺  
恍疑身在斗牛宮

原韻

湖光窈窕月融融  
無數星辰落鏡中  
不是姮娥同讌咲  
如何得坐水晶宮

和韻

藉草披雲坐釣臺  
湧將綵筆把詩裁  
偶成幾句通神語  
急喚家童送酒來

原韻

輕盈初下避風臺  
縞素霓裳白苧裁  
一陣異香生綺席  
可知曾侍玉皇來

和郁季雅五絕

月滿遙天舟滿湖  
遊人今夜縱歡歛  
寄言休負良宵勝  
咲對清光倒一壺

郁季雅原韻五絕

四望無雲月滿湖  
乘船中夜沸吳歛  
相逢盡是縵山客  
片片霧花墜玉壺

和韻

紅蓼白蘋媚晚秋  
芙蓉灼灼映磯頭  
欲追蘇子當年興  
典故買扁舟  
此夜浮

原韻

落日江天蘆荻秋  
人人浮白醉樓頭  
詩腸索得停雲句  
一拍闌干碧靄浮

和韻

畫船簫鼓奏宮商  
茵苜悠然遞遠香  
與劇渾忘漏聲促  
不妨清露濕羅裳

原韻

天風瀟瑟動清商  
會有淮南綺席香  
咲語夜深通帝座  
半空驚落紫霓裳

和韻

今宵彩鷁泛中流  
直上湖心百尺樓  
四顧無人明月朗  
數聲漁唱起滄洲

原韻

蒲天沆瀣下清流  
漠漠飛烟鑠畫樓  
此夜酒酣人未散  
遙聞鶴咲蓼花洲

和韻

玉笋瓊漿琥珀紅  
興來催鼓遞芙蓉  
忙移恐滯令人急  
那管樓頭扣暮鐘

原韻

綠樹低翻舞袖紅輕盈水色淡芙蓉坐深露冷  
鷗磯上歸去城南報曉鐘

和秋潭秋日登烟雨樓

當年勝賞缺經過爲上渙舟衣綠簑欲釣江魚  
忘勝會只今追和恨還多

秋潭原韻秋日登烟雨樓

柳塘蓮渚偶相過散盡歌船只釣簑更上高樓  
看不厭四邊秋水白鷗多

和董玄宰游烟雨樓

輕搖畫舫出魚梁樓閣崔嵬繞岍楊簫鼓歌喉  
聲不斷沙邊驚醒兩鴛鴦

董玄宰原韻

風吹明月墮魚梁讀罷殘書倚綠楊湖上藕花  
樓上月踏歌驚起睡鴛鴦

和陳仲醇雨中過烟雨樓題壁

涼雨助波聲寒烟靄溪樹瀝酒復登樓興劇忘  
歸去

原韻

綠樹低翻舞袖紅輕盈水色淡芙蓉坐深露冷  
鷗磯上歸去城南報曉鐘

和秋潭秋日登烟雨樓

當年勝賞缺經過爲上漁舟衣綠簑欲釣江魚  
忘勝會只今追和恨還多

秋潭原韻秋日登烟雨樓

柳塘蓮渚偶相過散盡歌船只釣簑更上高樓  
看不厭四邊秋水白鷗多

和董玄宰游烟雨樓

輕搖畫舫出魚梁樓閣崔嵬繞岍楊簫鼓歌喉  
聲不斷沙邊驚醒兩鴛鴦

董玄宰原韻

風吹明月墮魚梁讀罷殘書倚綠楊湖上藕花  
樓上月踏歌驚起睡鴛鴦

和陳仲醇雨中過烟雨樓題壁

涼雨助波聲寒烟靄溪樹瀝酒復登樓興劇忘  
歸去

陳仲醇原韻

煙雨織湖光半露垂楊樹却咲來遊人翻從雨  
中去

和陳仲醇游鴛湖四首

扁舟似葉放入清流荷擎水面鴛宿沙頭

陳仲醇原韻

孤艇一尺躍于中流酒在船尾花在船頭

和韻

歌聲混笛吸酒如泉狂客無羈醉倒野田

原韻

城齒齟齬影臨流泉醉騎白馬相逐于田

和韻

步入江亭恍似蘭亭騷人聯句坐對山僧

原韻

旅旅酒亭落落水亭紅衣者客白衣者僧

和韻

狂呼綠酒奇句逞雄徜徉世外得追古風

原韻



奇雲盪胃我懷英雄濯足湖上蕭然以風

和馮咸父南湖秋月篇韻

乘間扶杖出幽林  
艸外村村動暮砧  
鴛鴦湖碧漪  
拖白練水面遊鳧浮欲沉  
撫掌狂歌綠柳磯  
荷畔鴛鴦驚欲懼  
興來席上吸千甌  
意到呼筆題  
百句我輩落魄  
天地間  
睥睨長安青雲路  
欲騎孤鶴上蓬萊  
飄搖碧落乘雲霧  
乘雲霧喜林樾  
明月吐芙蓉  
發月色花容  
適野情休嗟良宵好  
明月人生百歲似  
月期纔見團圓  
又見缺莫放

湖中明月杯踈狂人世千年名豈滅

馮咸父原韻

秋聲夜發楓樹林  
誰家思婦敲寒砧  
月光如珪水如練  
游鱗吹浪浮復沉  
我來南湖吟短賦  
老龍聽之號且懼  
往倩陽侯起怒濤  
欲奪詞人手  
中句詞人大叫  
萬象開桂闕  
森森引天路  
醉欲騎鯨飛上天  
欲上不上凌雲霧  
凌雲霧散林樾  
漁歌停櫂歌發  
人生何事最適情  
把酒持螯對月明  
人事年年有廢興  
月光處處多圓缺  
且盡

尊前酒百杯酒人之名千載常不滅

和張虞侯春日遊烟雨樓爲賦長歌一章

春日桃李媚江樓綠柳青蒲滿滄洲笙歌簫鼓樓頭沸彩鷁蘭橈水上浮長嘯一聲山鳥寂猖狂大醉酒壚頭主人不管牽客手高呼又進巨觥酒興來題句却驚人掃盡隄塵一二斗鴛鴦對對泛波紋影上仙姬白練裙月沉客散杯狼籍却憶巫山一片雲

張虞侯原韻

我來晚望烟雨樓樓前水色連滄洲綠樹婆娑春晝靄緋衣縹緲晴光浮一望帆檣天際外數聲簫管雲端頭地主慇懃共攜手相看慷慨啣杯酒醉來覓句欲驚人媿我才華非八斗桃花流水碧波紋波心掩映石榴裙且待纖纖新月上却教歸棹載江雲

寄朱孟元

一咏君家白雪歌令人戀戀意婆娑山齋靜踞胡牀夜海內如君孰謂多

寄陸君策

雄聯奇句與偏嘉題遍鴛湖碧水涯我亦多情  
愛登眺故吟鷗鷺詠蕪段

寄張虞侯

問君樓上幾傳觴題詠瑤華遍水鄉吟到幽深  
知勝賞謔教逸思播滄浪

寄何士抑

曾覩君題遍六橋又聞湖上咏瓊瑤哦吟佳句  
驚詩骨得興招呼吸酒瓢

寄馮咸父

讀遍新題思更豪詩壇此日羨君高却將奇調  
歸詞苑傳寫吟哦廢綵毫

寄董玄宰

不覲君家白玉顏強題奇句寄湖間何堪混入  
鸞凰語野鳥閒情在碧山

寄沈孺休

休文雄倡出人群題詠危樓海內聞若遇羊欣  
登覽日絲毫寫遍白羅裙

寄陳仲醇

偶乘綵鷁蕩湖心得覩陳蕃壁上吟吟到意窮  
玄妙處令人買棹幾登臨

寄孫世聲

高樓白壁寫新詩句法宏深點綴奇讀遍令人  
五內爽吾儕欲和意難追

寄高永仁

敲推繙句出羣倫調格清奇字字新若使詩壇  
細評品超然吳會產奇珍

寄包襲明

爲看明月始登臺忽覽虛樓杜甫才細細吟哦  
多妙句令人到艇又重來

寄黃玄之

欣然獨駕南湖棹壁上瓊瑤似阮嵇吟徹令人  
靈府暢好將彤管記新題

寄郁正叔

羣英俠興似蘭亭綵筆題詩遍蓼汀我亦山陰  
修禊伴故翻新句上鐫銘

寄郁季雅

君向鴛湖賦雨烟  
啣杯應醉碧桃邊  
若令昔日傾瑤管  
却把幽情共爾聯

寄范君和

鼓棹乘閒上釣磯  
壁間題句世應稀  
細探工緻清新句  
揮寫瑤箋汎艇歸

寄范長康

鼓檝湖南臺上登  
咏題新句興偏增  
森然蒼古多雄健  
愧我才疎未易能

寄陳德光

子昂高致詠滄浪  
題遍鴛湖逸思狂  
我亦逍遙江海客  
和君竒調寫廻塘

寄徐潤卿

孺子常圖湖上山  
何堪題詠興難攀  
一觀虛閣追遊句  
字字初唐出世寰

寄悅支上人二絕

東林白社評詩日  
未定推敲過虎溪  
忽別俄驚經歲月  
鴛湖倡和見新題

其二

浮杯昔日到江干，題遍高樓思更歡。我亦有詩追和興，王孫遊子幾翻看。

寄秋潭上人

肯共東林結社盟，幾多藻句傲公卿。邇來讀遍渾騷語，自是詩壇播美名。

索仲醇鴛湖倡和稿序二絕

鴛湖倡和細吟哦，字字篇篇漢魏多。我亦效顰賡祖韻，終成巖穴野人歌。

其二

倡和詩成付剞劂，欲求珠玉弁端輝。序知俠客鴛湖夜，勝賞良宵世亦稀。

和鄭翰卿韻

人酣秋夜舫似醉，艷陽天狂歌縱酒。調戲喚賣魚船劍佩青萍氣，詩成滄海篇書多。晉魏跡揮洒起雲烟。

翰卿原韻

客汎蒼波裏，歌殘白苧天。嵐依定僧室，楓落酒

人船明月如堪佩  
停雲尚有篇塞鴻  
今夜到飛入葦花烟

和翰卿南湖夜泛二絕

鴉歸樹杪酒將殘  
天畔霞光映竿丹  
沙外漁歌聽不竭  
泠泠玉露葛巾寒

翰卿原韻

范公湖邊白苧殘  
學繡塔前楓葉丹  
一聲宛轉人何處  
鴛鴦不歸烟水寒

和韻

湖上秋來興更長  
吳姬鼓瑟勝瀟湘  
猖狂爛醉歌新調  
驚却滄浪鴛鴦與鴛

原韻

湖水茫茫秋夜長  
美人無夢到瀟湘  
若言此夕不腸斷  
請看湖上雙鴛鴦

寄鄭翰卿一絕

鄭虔詞賦動

神京更咏南湖白  
雪聲謾道青蓮居士  
調騷垓知爾獨縱橫


甲午之秋放棹華亭訪友餐鱸因逢仲醇  
試觀世聲籬菊開遍三徑欣閱人目主人  
迺置酒花畔咲歌促膝酣後語及疇昔駕  
湖泛舟倡和之興出示湯稿索余追和持  
歸倚韻賡之惜陽春白雪胡能彷彿第罄  
一時湯興耳倘以詩語則吾豈敢

萬曆甲午十月朔旦

嘉禾梅墟山人周履靖識



名  
漢  
日  
考



Faint, illegible text, likely bleed-through from the reverse side of the page, is visible within a rectangular border.

附詠煙雨樓舊作

和天字韻二首

虛閣凌青漢波光浸碧天行歌綠水曲興和白  
雲篇鳥語和簫鼓蓮開暎畫船凭欄一登眺樹  
杪靄殘烟

其二

蟾光照高閣碧浪蕩遙天奇蹟堪登覽雄詞漫  
紀篇鴛鴦穿藻荇酒客醉湖船回首滄江晚襟  
裾襲紫烟

題釣鰲磯四首

偶來磯上坐青莎一望湖光雨後多  
水際樓臺如入鏡花間鶯燕似成歌  
遊人傳學酣春色神女捐珠弄夜波  
漠漠淡烟籠古樹遙聞天籟起烟蘿

其二

重重樓閣俯滄溟高築漁磯傍水亭  
樹色四圍烟外碧湖光千頃雨中青  
東連越海凭爲塹北控吳門峙作屏  
幾處笙歌聽不盡畫船明月繞

蘆汀

其三

石磯高枕碧湖流湖上烟消萬壑秋  
楊柳風輕聞鳥語桃花浪暖汎漁舟  
清時簫管調新曲長日樓船勝昔遊  
一自使君題石後更無人道鑑湖幽

其四

釣臺突兀峙湖南漫理綸竿下碧潭  
風動波光搖素練雲籠樹色擁青嵐  
漁磯春暖花頰咲鴛

渚雲晴柳欲酣天際忽來蓬島鶴片雲飛處擬  
蘇耽

烟雨樓避暑

凌虛高閣控明陽畫檻晴窓納夏涼雲影拂簾  
梧竹蔭風聲入座芰荷香漁歌欸乃醒殘夢水  
鳥浮沉逐野航日暮醉歸南浦上悠然一曲和  
滄浪

新秋泛湖二首

澄湖浩蕩正新秋萬頃波平一鑑浮碧漢樓臺

懸倒影畫船簫鼓競中流汀花草供詩况烟  
樹雲山豁醉眸明月歸途南郭近數聲清角度  
樵樓

其二

晴湖十里放舟頻侶狎高陽舊酒人爭席不妨  
漁父飲忘機自與海鷗親汀前碧水浮青雀野  
外涼風起白蘋醉客夷猶歌野調滾滾玉露濕  
衣巾

秋夜泛湖

鳴榔過鶴渚載酒入烟蘆雲淨溪容澹霜寒月  
影孤城臨梵王寺樹繞范公湖自咲狂歌者高  
懷此夕俱

望湖樓秋集

高閣崔嵬湖水頭澄波萬頃漾清秋晴巒盡向  
天邊出彩鷁俱從鏡裏游映座輕雲堪作幙入  
簾新月乍爲鈎凭欄自覺滄溟近蒲目飛霞散  
十洲

清秋野泛

秋江碧水蕩遙天詩有幽人載月還一曲滄浪  
歌未徹沙頭驚起白鷗眠

月夜飲烟雨樓坐有應舉者

挾客泛滄洲重登湖上樓金波方浴暈白露正  
橫秋月朗樽堪倒風輕水不流銀河如可到還  
向廣寒遊

和中秋泛月二首

人間此夕月初圓萬里清光射碧瀾鵲影南枝  
時宿冷笛聲何處夜吹寒香分桂子風前度水

出芙蓉露下溥把酒高歌乘逸興醉餘猶向夜  
深看

其二

蘭橈試泛碧湖頭皓魄涵波一鏡浮千里共憐  
今夜月幾人同咲昔時樓尊前醉倚青萍氣扇  
底歌翻白苧秋縱飲何妨歸路遠麗譙不覺促  
更籌

泛湖寫懷二首

酒載蘭舟過碧塘興追曲水昔年觴藕花馥馥

波心度汀鷺翩翩水面翔夜月沙邊浮淡影秋  
風溪外送輕航蘭亭勝賞多題詠吾亦題詩走  
筆芒

其二

此心旦暮爲誰忙且共騷人入醉鄉舟舫堤邊  
情更洽樽開湖上興偏長杜門清隱同嵇懶對  
客高歌學楚狂世路靜觀渾短夢何如靖節醉  
柴桑

釣鰲磯納涼

湖心傑閣避蒸炎磯上盤桓逸興添笛韻悠悠  
聞釣艇藕花馥馥度湘簾風飄波面迴紋細月  
到林稍射影纖長嘯一聲天地朗恐驚水底老  
龍潛

重登烟雨樓

閒來乘興復登樓林麓蕭蕭是暮秋幾盞微醺  
看塞鴈數聲長嘯起沙鷗崔巍山色雲中見浩  
蕩湖光檻外流烟雨霏霏天際起一腔漁笛晚  
歸舟

九日登烟雨臺二首

九日湯登湖上樓凭虛眺遠思悠悠一羣鴻鴈  
排青漢兩岸芙蓉映碧流笑倚窓前風落帽醉  
餘筵上客歌喉歸來明月波中漾笑折茱萸插  
蒲頭

其二

瑤空澄徹鴈聲哀沙上鷗飛日幾迴數陣江風  
飄葉舞一鈎海月出雲來高人對景同舒眼逸  
客傷秋共上臺須解世途如對奕且凭高閣漫

啣杯

至日登樓二首

時臨佳節一登樓  
眺望湖山四顧秋  
塞北征鴻晴渚落  
溪南野樹暮雲收  
汎汎綠醅傾綺席  
飛飛白鷺起滄洲  
莫辜此日閒中興  
應惜韶光不我留

其二

宿雨平湖水不流  
四圍蒼翠擁虛樓  
城臨雉堞青雲曉  
簾捲鷗波碧樹秋  
風急帆從天外度  
月

明人在鏡中遊  
凭欄無限烟霞思  
向晚茫茫動客愁

鴛湖漁唱

遠浦連村樹澄波  
落照明漁歌自歎  
乃釣艇任縱橫蘋  
蓼三秋蒲滄浪一  
曲清烟波吾有意  
時共野鷗盟

鴛湖晚釣十二韻

宿雨收南郊湖波漲  
新綠眺望烟水漫  
鷗鷺難辨目漾艇碧  
磯頭襟懷忘拘束  
藻荇觸輕橈纖



月掛恠木清輝映迴瀾鴛鴦沙嘴浴銀鈎下碧  
波錦鱗競吞粟隣舟問漁郎芳渚蘆邊宿烟雨  
布湖南得魚盈碧簾携壺易村醪酩酊笑鼓腹  
跣足濯清流披蓑却凡俗滄浪如玉鑑舟艤滄  
浪曲間情契綸笈跡遁烟波足

清秋登烟雨樓

危樓起湖心亭榭傍水滸清秋客獨登盡檻人  
間俯白雲隔岸飛紅葉當窓舞江風飄不休沙  
鳥棲無數鴻鴈破秋烟客帆懸暮雨牧笛過荒  
村漁燈散寒浦扁舟湖上歸皎月林梢吐愧非  
王仲宣欲學釣漁父

後跋

逸之周君越之奇杰也余向知其高情慷  
慨怡心翰墨且見其閑雲諸刻益嘖嘆謂  
世不常有豈麒麟鳳皇然耶及益見其海  
窟明珠寶箴奇珍謂此君磊落胸中直數  
萬斛珠璣隻千古而無對孤百載而難雙  
者乎越中高士大覩屈指和靖君嗟嗟周

外集卷之四  
君結廬梅壚間雲是適鷗鷺與居則與和  
靖孤山幽致寧有殊哉矧其敷華布彩直  
逼盛唐和靖諸作固當讓一頭地鴛湖倡  
和諸君得君此什有愧佛頭着糞矣

聖明在上賢士彙征胡容此君優游梅花  
之下謹書數言以為他日弓旌之左券云

友人翁正春跋

